

ԸՆԴՈՒՆԵԼ ՈՒԹՅՈՒՆՆԵՐ ՄԸՅՐ ԸԹՈՌՈՒՄ

**Հ.Յ.Դ. ՈՒՍԱՆՈՂԱԿԱՆ-ԵՐԻՏԱՍԱՐԴԱԿԱՆ ՄԻՈՒԹՅՈՒՆՆԵՐԻ
ՀԱՄԱՀԱՅԿԱԿԱՆ 5-ՐԴ ԲԱՆԱԿՈՒՄԻ ՄԱՍՆԱԿԻՑՆԵՐՆ
ԸՆԴՈՒՆՎԵՅԻՆ Ս. ԷԶՄԻԱԾՆՈՒՄ
ԱՄԵՆԱՅ ՀԱՅՈՑ ԿԱԹՈՂԻԿՈՍԻ ԿՈՂՄԻՑ**

Օգոստոսի 5-ին, երեկոյան ժամը 19.00-ին, շուրջ 660 երիտասարդ-երիտասարդուհիներ այցելեցին Ս. Էջմիածին և ընդունվեցին Վեհափառ Հայրապետի կողմից: Նրանք հավաքվեցին Վեհարանի մեծ դահլիճում, որտեղ Հ.Յ.Դ. բյուրոյի անդամ Արո Պողիկյանը հակիրճ խոսքով ներկայացրեց Հայաստանից, Արցախից, Ջավախից, Վրաստանից և արտասահմանի 18 երկրներից եկած երիտասարդների և ուսանողների, որոնք Հայաստանում էին անցկացնում իրենց հինգերորդ քանակումը, և ապա խնդրեց Վեհափառ Հայրապետին տալ իր պատգամը:

Իր խոսքից առաջ Վեհափառ Հայրապետը բոլորին հրավիրեց աղոթքով սկսել այս եզակի հավաքույթը: Ապա նա տվեց իր պատգամը Ս. Էջմիածնի Մայր Աթոռի և առհասարակ մեր իկեղեցու առաջնության, մեր հայրենիքի և անկախ պետականության ամրացման և զորացման անհրաժեշտություն մասին:

Նա ասաց, որ այսօր հայրենիքը ողջ հայության պատասխանատվություն է Հայաստանի և աշխարհի չորս ծագերում: Մեր միակ ուժը հայության ամրողրականության և միության արտահայտությունն է:

Հանդիպման ավարտին Արո Պողիկյանը շնորհակալություն հայտնեց Վեհափառ Հայրապետին հայաշունչ և հայրենաշունչ խոսքի համար: Հանդիպումն ավարտվեց «Պահպանիչ» աղոթքով և Գարեգին Ա Կաթողիկոսի օրհնությամբ:

**ՎԵՀԱՓԱՐ ՀԱՅՐԱՊԵՏՆ ԸՆԴՈՒՆԵՑ ՏՈՒՐԻԶՄԻ
ՀԱՄԱԵԽԱՐՀԱՅԻՆ ԿԱԶՄԱԿԵՐՊՈՒԹՅԱՆ ԽՈՐՀՐԴԱՏՈՒՆԵՐԻՆ**

Օգոստոսի 12-ին Մայր Աթոռ Ս. Էջմիածին այցելեցին Միացյալ Ազգերի Տուրիզմի Համաշխարհային Կազմակերպության խորհրդատուներ պարոն Ռոդ Համիլթոնը և տիկին Ֆրանսուազ Գյուլ Ֆոն՝ ՄԱԿ-ի Ջարգացման Մրագրի ներկայացուցիչ օրիորդ Անահիտ Սիմոնյանի ուղեկցությամբ: Վեհարանում հյուրերին ընդունեց նորին Սրբություն Գարեգին Ա Վեհափառ Հայրապետը:

Ջրույցի ընթացքում հյուրերը հայտնեցին, որ իրենց կազմակերպությունը զբաղվում է Հայաստանում տուրիզմի զարգացման հայեցակարգի, ինչպես նաև տեխնիկական օգնության ծրագրի մշակմամբ, որը հանդիսանում է Միացյալ Ազգերի Կազմակերպության Ջարգացման Մրագրի նախաձեռնությունը և ֆինանսավորվելու է նրա կողմից:

Վեհափառ Հայրապետը, ողջունելով հյուրերի նախաձեռնությունը, իր գնահատանքն ու երախտագիտությունը հայտնեց նրանց՝ Հայաստանի նկատմամբ մտահոգության և օգնություն ցույց տալու պատրաստակամության համար:

Խոսելով Հայաստանում ֆրիստոնեության՝ իբրև պետական կրոն հռչակման 1700-ամյակի տոնակատարության և հատկապես այդ կապակցությամբ նախատեսվող միջոցառումների ծրագրի մասին, որի կարևոր մասն են կազմում ուխտագնացությունները, Նորին Սրբությունը կարևորեց տուրիզմի զարգացումը Հայաստանում: Նա նշեց, որ այդ ուխտագնացությունները կնպաստեն ժողովուրդների միջև բարեկամության և փոխհարաբերությունների սերտացմանը, հագեցված կապերի առափնի ամրապնդմանը, միմյանց ավելի մոտիկից ճանաչելուն:

ԱՐԴԱՐԱՐԱՏՈՒԹՅԱՆ ԵՎ ԱՌՈՂՋԱՊԱՀՈՒԹՅԱՆ ՆԱԽԱՐԱՐԱՆԵՐԸ ԳԱՐԵԳԻՆ Ա ՎԵՀԱՓԱՌ ՀԱՅՐԱՊԵՏԻ ՄՈՏ

Օգոստոսի 20-ին, առավոտյան ժամը 10.30-ին, Մայր Աթոռ Ս. Էջմիածին այցելեցին Հայաստանի Հանրապետության արդարադատության նախարար պարոն Մարտո Ալեքսանյանը և առողջապահության նախարար պարոն Գագիկ Ստամբոյցյանը՝ Վաղարշապատի ֆողափապետ պարոն Նրվանդ Աղվանյանի ուղեկցությամբ:

Նրանք եկել էին ստանալու Ամենայն Հայոց Կաթողիկոս Գարեգին Ա Հայրապետի օրհնություններն իրենց գործերի հաջող ընթացքի համար:

Վեհափառ Հայրապետն իր գնահատանքն հայտնեց և ֆաջպերական խոսքն ուղղեց երկու նախարարներին: Նորին Սրբությունը շեշտեց օրենքի պահպանման, արդարության գործադրման, ինչպես նաև առողջապահական պայմանների բարելավման կարևորությունը: Խոսակցություններ տեղի ունեցան այս երկու քննադատներում մեր հայրենի ժողովրդի ունեցած կարիքների և դժվարին պայմանների բարելավման ու զարգացման մասին:

ՄԻԱՅՅԱԼ ՆԱՀԱՆԳՆԵՐԻ ՍԵՆԱՏՈՐ ՋԵԿ ՌԻԴՆ ԱՅՑԵԼԵՑ ԳԱՐԵԳԻՆ Ա ՎԵՀԱՓԱՌ ՀԱՅՐԱՊԵՏԻՆ

Օգոստոսի 20-ին, երեկոյան ժամը 19.00-ին, Մայր Աթոռ Ս. Էջմիածին այցելեց և Ամենայն Հայոց Կաթողիկոս Գարեգին Ա Վեհափառ Հայրապետի կողմից ընդունելությանն արժանացավ Ամերիկայի Միացյալ Նահանգների Սենատի անդամներից պարոն Ջեկ Ռիդը՝ Հայաստանի Հանրապետությունում Ամերիկայի Միացյալ Նահանգների արտակարգ և լիազոր դեսպան Պարոն Փիթեր Թոմսոնի, Ամերիկայի Հայկական Համագումարի ներկայացուցիչ օրինորդ Էդիտ Խաչատրյանի և Վաշինգտոնի գրասենյակից՝ պարոն Ջեմալի ընկերակցությամբ:

Մեկ ժամ տևած խոսակցության ընթացքում Վեհափառ Հայրապետը տեղեկություններ տվեց և վերլուծություններ կատարեց Հայաստանյայց Առաքելական եկեղեցու և Մայր Աթոռ Ս. Էջմիածնի գործունեության շուրջ: Խոսակցության առարկա եղան նաև Հայաստանում և Արցախում տիրող կացությունը և դեռևս չլուծված հարցերի լուծման հնարավորությունները:

Հարգարժան այցելուները եղան Վեհափառ Հայրապետի ընթրիքի հյուրերը, որի

ժամանակ ծավալվեց ընդարձակ խոսակցություն առեսմարտակ Հայաստանյայց Առաքելական եկեղեցու և հայ ժողովրդի կացության ու հոգևոր, կրոնական, կրթական, մշակութային, տնտեսական, ընկերային պայմանների զարգացման մասին:

ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՅ ՆԻԿՈՒԱՅ ՌԻԺԿՈՎԻՆ

Օգոստոսի 21-ին Մայր Աթոռ Ս. Էջմիածին այցելեցին Ռուսաստանի Դաշնության Պետական Դումայի պատգամավոր, «Նարոդոստի» խմբակցության նախագահ, հայ-ռուսական պատգամավորական խմբի ղեկավար Նիկոլայ Ռիժկովն իր տիկնոջ հետ՝ Հայաստանի Ազգային Ժողովի փոխնախագահ Արա Սահակյանի և նրա տիկնոջ ուղեկցությամբ: Պարոն Ռիժկովի, որը նրևան էր ժամանել Հայաստանի Ազգային Ժողովի հրավերով, Մայր Աթոռ Ս. Էջմիածին այցելության նպատակն էր հարգանքի տուրքի մատուցումը Ամենայն Հայոց Կաթողիկոսին:

Վեհաբանում տեղի ունեցած ջերմ ընդունելության և անկեղծ զրույցի ընթացքում Գարեգին Ա Վեհափառ Հայրապետը, ողջունելով պարոն Ռիժկովի այցը Հայաստան և Ս. Էջմիածին, նշեց, որ վերջինս միշտ եղել և մնում է Հայաստանի և հայ ժողովրդի մեծ բարեկամը, որը հայ ժողովրդի կողքին էր նրա ամենադժվարին օրերին: Նորին Սրբությունը խորին երախտագիտությամբ վերհիշեց պարոն Ռիժկովի այցը Հայաստան 1988 թ. ավերիչ երկրաշարժից անմիջապես հետո, նրա սրտացավությունն ու մտահոգությունը հայ ժողովրդի հանդեպ: Ապա Վեհափառ Հայրապետը նշեց, որ հայ և ռուս ժողովուրդների ու պետությունների միջև շարունակվող և օրըստօրե խորացող բարեկամությունն է՛լ ավելի է ամրապնդվում և Հայ Առաքելական և Ռուս Ուղղափառ եկեղեցիների համագործակցությամբ:

Պարոն Ռիժկովը, շնորհակալություն հայտնելով ընդունելության համար, բարձր գնահատեց Հայ Առաքելական եկեղեցու այն մեծ դերը, որ նա կատարեց երկրաշարժի օրերին և նշեց, որ շարունակում է կատարել հայ ժողովրդի կյանքում:

Հանդիպման ավարտին Վեհափառ Հայրապետը պարոն Ռիժկովին նվիրեց «Հայ եկեղեցու գանձերը» ալբոմը, իսկ պարոն Ռիժկովն իր գիրքը, որի մի գլուխը նվիրված է Հայաստանին:

Հանդիպմանը ներկա էին նաև Գեղարքունյաց թեմի առաջնորդ Ամանիա եպս. Արարաշյանը և Մայր Աթոռի դիվանապետ Ներսես արք. Պապալյանը:

ՎԵՀԱՓԱՐ ՀԱՅՐԱՊԵՏՆ ԸՆԴՈՒՆԵՅ ԲՆԱՊԱՀՊԱՆՈՒԹՅԱՆ ՆԱԽԱՐԱՐԻՆ

Օգոստոսի 21-ին Մայր Աթոռ Սուրբ Էջմիածին այցելեց Հայաստանի Հանրապետության բնության պահպանության նախարար պարոն Սարգիս Շահազիզյանը՝ փոխնախարարներ Կոլյուն Հակոբյանի և Արմեն Հունանյանի ուղեկցությամբ: Հյուրերին Վեհաբանի իր աշխատասենյակում ընդունեց Նորին Սրբությունը Գարեգին Ա Ամենայն Հայոց Կաթողիկոսը:

Հանդիպման ընթացքում պարոն նախարարը Վեհափառ Հայրապետին պատմեց

նախարարության գործունեության և անելիքների մասին, ներկայացրեց նախատեսվող բնապահպանական ծրագրերը և առաջնահերթ խնդիրները. որոնցից նա հատկապես կարևորեց Խոր Վիրապի վանքը շրջապատող տարածքի կանաչապատումն ու բարեկարգումը, ինչպես նաև Էջմիածին ֆաղափում Ներսես Աշտարակեցու հիմնած աճուստի վերականգնումը, ծառատնկումը և լճի վերականգնումն ու խնամքը:

Վեհափառ Հայրապետը, բարձր գնահատելով և հավանության արժանացնելով նախարարության ազգագույն ձեռնարկումները, տվեց նրանց իր հայրապետական օրհնությունն ու ֆաշակերամքը, մաղթեց նրանց կորով, եռանդ ու հաջողություններ աշխատանքում, ամենայն բարիք:

ԳՐԵԳՐԻՆ Ա ՎԵՀԱՓԱՌ ՀԱՅՐԱՊԵՏՆ ԻՐ ՕՐՀՆՈՒԹՅՈՒՆԸ ՏՎԵՑ ՀԱՅ ԶԻՆՎՈՐՆԵՐԻՆ

Օգոստոսի 26-ին Մայր Աթոռ Ս. Էջմիածին այցելեցին 32 զինվորականներ՝ մեծոր Խաչատուր Խաչատրյանի և կապիտաններ Սեյրան Խաչատրյանի ու Սամվել Միանույանի գլխավորությամբ: Հայաստանի Հանրապետության պաշտպանության նախարարի հրամանի համաձայն, երիտասարդ զինվորականներն իրենց ուսումնալսումնական շարունակելու են Ռուսաստանի Դաշնության Զինվորական Ակադեմիաներում: Ուստի նրանց այցելության նպատակն էր մեկնումից առաջ ստանալ Գրեգրին Ա Ամենայն Հայոց Վեհափառ Հայրապետի օրհնությունն ու բարեմաղթանքները:

Զինվորականների հետ անկեղծ ու սրտաբուխ զրույցի ընթացքում Վեհափառ Հայրապետն իր ուրախությունն ու հրեմանքն արտահայտեց նրանց այցելության առթիվ: Խոսելով նրանց ընտրած ուղու մասին, Վեհափառ Հայրապետը խիստ կարևորեց զինվորների անմնացորդ, անձնվեր, անձնուրաց նվիրվածությունն իրենց կոչմանը, ծառայությանը, պարտականությանը՝ ազգի, հայրենիքի և ժողովրդի հանդեպ: Վեհափառ Հայրապետը շեշտեց, որ մեր երիտասարդ սերունդն այժմ, հատկապես մեր դժվարին օրերին, կարիք ունի նոր հոգեբանություն կերտելու, կյանքի նկատմամբ նոր մոտեցում ցուցաբերելու, նորովի ապրելու: Այս նորին Սրբությունը հորդորեց նրանց օտար ափերում ապրել այնպես, որ հայությունը նրանց անձի միջից արտացոլվի, միշտ բարձր պահվի հայի անունը:

Հանդիպման ավարտին Վեհափառ Հայրապետը տվեց զինվորներին իր հայրական օրհնությունն ու բարեմաղթանքները, նվիրեց նրանց Ս. Էջմիածինը խորհրդանշող փափրիկ կրծքանշաններ:

Հանդիպումն ավարտվեց «Պահպանիչ» աղոթքով:

ԻՐԱՆԱՀԱՅ ՈՒԽՏԱՎՈՐՆԵՐԸ ՄԱՅՐ ԱԹՈՒ ՍԲ. ԷԶՄԻԱԾՆՈՒՄ

Սեպտեմբերի 12-ին Նորին Սրբություն Դարեգին Ա Կաթողիկոսն ընդունեց իրանահայ ուխտավորներին: 52 իրանահայեր Հայաստան են ժամանել Թեհրանի Հայ Կանանց Եկեղեցատեր Միության նախաձեռնությամբ:

«Գնանք, տեսնենք, հայրենիքի սերը տարածենք, զարգացնենք էրիտոնեական

գաղափարները», - այցելության նպատակը Վեհափառ Հայրապետին հայտնեց Միության նախագահ Նվարդ Մադաթյանը:

Ինչպես նշեց Վեհափառ Հայրապետը, իր ամենօրյա քաղմաթիվ հանդիպումների շարքում «Հայրենիքի և եկեղեցու սիրով» Հայաստան ժամանած ուխտավորների՝ հետ հանդիպումն իր համար յուրահատուկ նշանակություն ունի: «Այս հանդիպումը մասնավոր ֆաղցրություն է ինձ համար», - ասաց Նորին Սրբությունը՝ վերհիշելով Նոր Զուղայում իր առաջնորդության տարիները:

Վեհափառ Հայրապետը ողջունեց իրանահայ Կանանց Միության ժեռնարկը՝ կարևորելով Միության նշանակությունը հայապահպանության գործում:

Նորին Սրբությունն ուխտավորներին կոչ արեց միավորվել հայրենիքի շուրջ, գորացնել այն, իսկ հայրենասիրությունն ու եկեղեցասիրությունն արտահայտել հայրենաշինությամբ և եկեղեցաշինությամբ: «Մայր Աթոռ Ս. Էջմիածնի սերը և օրհնությունը տարեք Իրանում՝ ապրող իմ քույր եղբայրներին և բույրերին: Իրանահայությունը հատուկ տեղ ունի իմ սրտում», - եզրափակեց Վեհափառ Հայրապետը:

Հանդիպման ավարտին Վեհափառ Հայրապետն իր աղոթքը կատարեց՝ հայցելով Աստծո օրհնությունը իրանահայությանը և հատկապես իրանահայ ուխտավորներին:

ԳԱՐԵԳԻՆ Ա ԿԱԹՈՂԻԿՈՍՆ ԸՆԴՈՒՆԵՅ ՀՀ ՖԻՆԱՆՍՆԵՐԻ ԵՎ ԷԿՈՆՈՄԻԿԱՅԻ ՆԱԽԱՐԱՐՈՒՆ

Սեպտեմբերի 13-ին, ժամը 11-ին, Ամենայն Հայոց Գարեգին Ա Կաթողիկոսն ընդունեց ՀՀ Ֆինանսների և էկոնոմիկայի նախարար Արմեն Դաբրիկյանին, փոխնախարարներ Արա Ասիկյանին և էդուարդ Մուրադյանին: Հանդիպման ընթացքում խոսվեց Հայաստանի տնտեսական ու սոցիալական ներկա իրավիճակի, ժողովրդին ցուցաբերվելիք մարդասիրական օգնության ծրագրերի մասին: Վեհափառ Հայրապետն ընդգծեց, որ անհրաժեշտ է մշակել ժողովրդին ծանր սոցիալական իրավիճակից դուրս բերելու այնպիսի ծրագրեր, որոնք կօգնեն մարդկանց ոտքի կանգնել՝ սեփական ուժերին ապավինելով, առանց դրսի օգնության ակնկալիքի: «Պետք է զարկ տալ երկրագործությանը, արհեստներին, գործարարությանը», - ասաց Վեհափառ Հայրապետը:

Իր հերթին նախարարը նշեց պետության կողմից ինվեստիցիոն գործունեությունը խրախուսելու, ինչպես նաև ներդրումների համար հուսալի տնտեսական համակարգի ստեղծման անհրաժեշտության մասին:

Արժարժվեցին նաև Մայր Աթոռի տնտեսական իրավիճակին, ինչպես նաև Հայաստանում ֆրիստոնեությունը պետական կրոն հռչակման 1700-ամյակի շրջանակներում նախատեսվող միջոցառումներին վերաբերող հարցեր:

ԼԻԲԱՆԱՆԻ ԽՈՐՀՐԴԱՐԱՆԻ ՆԱԽԱԳԱՀՆ ԱՅՅԵԼԵՅ ՄԱՅՐ ԱԹՈՒ ՍԲ. ԷԶՄԻՍԾԻՆ

Սեպտեմբերի 14-ին Մայր Աթոռ Սր. Էջմիածին այցելեց Լիբանանի Խորհրդարանի նախագահ Նաբիհ Բըրրիի գլխավորած պատվիրակությունը՝ ՀՀ ԱԺ նախագահ Բարկեն Արարիցյանի ուղեկցությամբ: Նորին Սրբություն Գարեգին

Ա Կաթողիկոսը կարևորելով այս հանդիպումը, նշեց, որ լիբանանահայ համայնքը կարևորագույն սփյուռքահայ համայնքներից է: Նորին Սրբությունն ընդգծեց, որ Լիբանանն ու Սիրիան էին այն երկրները, ուր Մեծ եղեռնից հետո իրրև գաղթական հանգրվան գտավ արևմտահայության մեծ մասը՝ գաղմալով ապա այդ երկրների լիարժեք բաղաժան:

«Հայերը Լիբանանի անկախության մի մասն են», - ասաց պրն. Բրըրին: Վերհիշելով Հայոց Հայրապետի կաթողիկոսության 18 տարիները Լիբանանում, որոնցից 15-ն անցել են Լիբանանի համար պատերազմական իրավիճակում, խորհրդարանի նախագահը բարձր գնահատեց Վեհափառի ներդրումը՝ հանուն լիբանանցիների փրկության:

Աժ նախագահ Բարեկեն Արտրեջյանը հայտնեց Վեհափառ Հայրապետին, որ Հայաստանի և Լիբանանի միջև որևէ խնդիր գոյություն չունի. և այսօր հարաբերությունների ամրապնդման համար անհրաժեշտ են միայն գործնական փայլեր:

Հանդիպման ավարտին Նորին Սրբությունը պատմեց Մայր Աթոռ Սբ. Էջմիածնի մասին, փոխանակվեցին հուշանվերներ: Հյուրերը շրջեցին Մայր Աթոռի բանգարանում:

ԳՍԲԵԳԻՆ Ա ԿԱԹՈՂԻԿՈՍՆ ԸՆԴՈՒՆԵՅ ՍՄԵՐԻԿԱՅԻ ՀԱՅԿԱԿՍՆ ՀԱՄԱԳՈՒՄԱՐԻ 95 ԱՆԴԱՄՆԵՐԻՆ

Սեպտեմբերի 14-ին Մայր Աթոռ Սբ. Էջմիածնում Նորին Սրբություն Գարեգին Ա Կաթողիկոսը հյուրընկալեց Ամերիկայի Հայկական Համագումարի 95 անդամներին: «Պատմությունը փոխվել է, և մենք էլ պետք է փոխվենք», - խոսելով ղարաբաղյան շարժման օրերն ապրած և 1991 թ. ի վեր անկախություն նվաճած Հայաստանի մասին, ասաց Վեհափառ Հայրապետը, միաժամանակ կոչ անելով առաջնորդվել «Մեկ հայրենիք, մեկ ազգ, մեկ նկեղեցի» գաղափարով: «Ոչ բն սոսկ խոսքով, այլ կյանքով և գործով», - ավելացրեց Վեհափառ Հայրապետը:

Նորին Սրբությունը խոսեց նաև հոգևոր-կրոնական այն վերազարթոնքի մասին, որ ապրում է Հայաստանը: Կառուցվում են եկեղեցիներ, տարեցտարի ավելանում է Հոգևոր ձեռնարանի ուսանողների թիվը, իսկ սեպտեմբերի 18-ին կվերաբացվի նաև Գևորգյան ձեռնարանի հիմնովին վերանորոգված շենքը:

Պատասխանելով Մայր Աթոռի և Մեծի Տանն Կիլիկիո Կաթողիկոսությունների հարաբերություններին վերաբերող հարցին, Նորին Սրբությունը հայտնեց Մայր Աթոռի դիրքորոշումը, որի մասին տեղեկացված է նաև Մեծի Տանն Կիլիկիո Կաթողիկոսությունը. այն է՝ վերադառնալ մինչև 1956 թ. եղած դրությամբ, պահպանել Կիլիկիո պատմական Կաթողիկոսությունը: «Հարկ է, որ շարժվենք ժամանակների փոփոխության ուղիով», - ասաց Վեհափառ Հայրապետը: Այս դրությամբ, ինչպես նշեց Վեհափառ Հայրապետը, պետք է հասնել աստիճանաբար, բանակցությունների միջոցով: «Հարկ է նաև արագ շարժիլ և ամեն ինչ չթողնել միայն ժամանակին»:

Արցախի թեմի առաջնորդ Պարզև Սրբազանը, որը ներկա էր հանդիպմանը, հյուրերի խնդրանքով պատմեց Ղարաբաղի ներկա իրավիճակի մասին: Ինչպես նշեց Սրբազան Հայրը, երկար տարիներ իր հավատից բռնի հեռացված արցախահայությունն իր երկրորդ մկրտությունն է ապրում՝ վերակառուցվում են

եկեղեցիները, կառուցվում են նորերը, որոնցից Հալիների եկեղեցու կառուցումը կավարտվի մեկ ամսից: «Ժողովուրդն էլ պատրաստ է մինչև վերջ պայքարել, միայն թե արդարությունն ու խաղաղությունը հաստատվեն Արցախում», - ասաց Պարզև Սրբազանը:

Վեհափառ Հայրապետը բարձր գնահատեց Հայկական Համագումարի կատարած կարևոր գործը:

ԳԱՐԵԳԻՆ Ա ԿԱԹՈՂԻԿՈՍՆ ԸՆԴՈՒՆԵՅ ԲՈՒՆԴԵՍԱԾԱԳԻ ՊԱՏՎԻՐԱԿՈՒԹՅԱՆԸ

Սեպտեմբերի 16-ին Նորին Սրբություն Գարեգին Ա կաթողիկոսն ընդունեց Գերմանիայի Դաշնային Հանրապետության Բունդեսբազի գերմանա-կաթոլիկական պատգամավորական խմբի ղեկավար, ԵԱՀԿ-ի միջխորհրդարանական վեհաժողովի փոխնախագահ Վիլլի Վիմմերին և նրա գլխավորած պատվիրակությանը՝ Հայաստանում Գերմանիայի արտակարգ և լիազոր դեսպան Կարոլա Մյուլլեր-Հոլբախիների և ՀՀ ԱԺ-ի Գիտության և կրթության հարցերի մշտական հանձնաժողովի նախագահ Ռաֆայել Պապայանի ուղեկցությամբ:

Ավելի քան մեկ ժամ տևած զրույցի ընթացքում խոսվեց Հայ Առաքելական Եկեղեցու, Հայաստանում անկախ պետականության վերականգնման և դարաբաղյան հիմնախնդիրներին վերաբերող հարցերի շուրջ:

Վեհափառ Հայրապետը բարձր գնահատեց Հայաստանին ցուցաբերած Գերմանիայի ժողովրդի, պետության և Եկեղեցիների օժանդակությունը և հատկապես՝ մարդասիրական օգնությունը Գյումրիի երկրաշարժից հետո: Վեհափառ Հայրապետը մասնավորապես եիշատակեց «Դիակոնիշես Վերֆ» եկեղեցական մարդասիրական կազմակերպության անգնահատելի ծառայությունները:

ՎԵՀԱԾԱՌ ՀԱՅՐԱՊԵՏՆ ԸՆԴՈՒՆԵՅ ԵԳԻՊՏՈՍԻ ԴԵՍՊԱՆԻՆ

Սեպտեմբերի 25-ին Նորին Սր. Օծություն Գարեգին Ա Կաթողիկոսին իր անդրամիկ այցելությունը տվեց վերջերս Հայաստանում Եգիպտոսի Արաբական Հանրապետության արտակարգ և լիազոր դեսպան նշանակված Սաիդ Իմամը: Զրույցի ընթացքում խոսվեց Մայր Աթոռ Սր. Էջմիածնի գործունեության և եգիպտահայ համայնքի մասին: Դեսպանը բարձր գնահատեց եգիպտահայ համայնքի գործունեությունը Եգիպտոսի կյանքի բոլոր ոլորտներում:

Վեհափառ Հայրապետը, որ բազմաթիվ անգամներ եղել է Եգիպտոսում, կարևորեց Եգիպտոսի ունեցած դերը ողջ արաբական աշխարհում: Նորին Սրբությունը հայտնեց նաև Ղպտի Օրթոդոքս Եկեղեցու պետ Շընուդա Գ Պատրիարքի հետ ունեցած սերտ հարաբերությունների մասին:

Դեսպանը Վեհափառին նվիրեց իր նախորդի՝ Ահմադ Ռապանի՝ Հայաստանի մասին գրած արաբերեն գիրքը: Վեհափառ Հայրապետն իր հերթին դեսպանին նվիրեց Էջմիածնի գանձերը պատկերող ալբոմը: